



Protokoll GV des Fan Club Züri-Unterland Vom 10.06.2006 Auf dem Bauernhof der Familie Flükiger In Katzenrüti

- 1. Barbara eröffnet die 23.GV um 16.22 und begrüsst alle anwesenden.**
- 2. Auf dem Appell** haben sich 32 Eingetragen.
- 3. Zum Stimmzähler** wurde Marcel einstimmig gewählt.
- 4. Mutationen:** 3 Neueintritte: Ursi Karg, Max Roth und Heinz Schellenberg, Alle 3 wurden einstimmig gewählt.
4 Austritte: Sandro und Yvonne Taddeo, Martina und Reto Schoch,
Allen 4 wünscht Barbara alles Gute.
Total 79 Mitglieder
34 Mitglieder haben sich entschuldig
12 Unentschuldigte
Somit sind an der GV: 30 Mitglieder, 2 Gäste und 4 Kinder
- 5. Protokoll der letzten GV** wurde einstimmig gut geheissen.
Babara bedankte sich bei Rosmarie für das verfassen des Protokoll der GV 2005.
- 6. Der Jahresbericht** von unserer Präsidentin über Ihr erstes Jahr würde Einstimmig und Dankend Gutgeheissen.
- 7. Kassenbericht** von Hansjörg lies keine Fragen offen und auch der Revisorenbericht
Gab keinen Grund zur Besorgnis und so wurde der Kassenbericht einstimmig gutgeheissen.
- 8. Festsetzung des Jahresbeitrages:** Da in der Kasse noch genügend Reserven vorhanden sind wurden die Beiträge einstimmig beibehalten wie bisher:
50. —Erwachsne, 2x 50. —für Familien/Kinder gratis, 50. —für Alleinerziehende/Kinder gratis,

10. —für Kinder bis 16 Jahre, 20. —für Jugendliche bis 20 Jahre.

8a Budget 2006/2007

Da keine grossen Änderungen im Jahresprogramm vorliegen wurde das Budget ohne Gegenstimme gutgeheissen.

9. Wahlen:

Wer möchte in den Vorstand?

Da sich so viele gemeldet haben und die 3 bisherigen alle in Ihrem Amt einstimmig bestätigt wurden, hat sich der Vorstand entschlossen es ein weiteres Jahr nur zu dritt zu machen. Das wären: Als Präsidentin Barbara Flükiger

Als Vice und fürs Protokoll Rolf Ebner

Als Kassier Hansjörg Isler

Da keine Austritte bei den Revisoren wurden gemäss 14 GV vom Juni 1996 einstimmig bestätigt: als 1. Revisor Rita Buchmann, 2. Revisor Vreni Rosenberg und Ersatzrevisor Anita Vögeli

10. Ehrungen/Verschiedenes/Anlässe:

Ehrungen und Anträge gab es keine

Anlässe: Mi 20.September

Sa 21.Oktober

Sa 4.November

Sa 2.Dezember

So 11.Februar 2007

Mi 13.April 2007

Sa 2.Juni 2007

Kegelabend

Davos- Kloten

Ambri- Kloten organisiert durch Supporter

Langnau- Kloten

Spaghettiabend

Racletteabend

24.GV und Grillplausch

Um 16.54 konnte sich Barbara bei allen anwesenden bedanken und den Grillplausch Eröffnen.

Wie immer gab es Salate, Kuchen und feine Dessert von unseren Mitgliedern und natürlich Feines vom Grill von unseren Star-Köchen Hansuli und Werner ohne die beiden wären die Abende mit Esse nur halb so Gut. Dank den Beiden.

Das war mein erstes Protokoll wems nicht gefällt und es besser kann in unsere Vorstand hat es noch freie Plätze.

Oberglatt der 7.7.2006 Rolf Ebner

Jahresbericht

So als erschts will ich mich namal bi allne bedanke wo mich am 5. Juni 2005 zur Präsidentin gwälht händ. Nach nur mal eim Jahr im Vorstand bin ich doch grad Presidäntin worde.

Am 21. September hämmer dä ersti anlass gah unter minere Führig.

7 Mitglieder händ sich im Rest. Bahnhofli Dietlikon troffe zum Kegel.

Aber zerscht hämmer mal öbis ässä bstellt damit mir nachhär mit viel energie händ chönne Kegel.

Mir händs mega luschtig gah mitänand.

Mir händ dä normal Stich und dä Glücksstich gmacht. Nached normal Stich isch Daniela in führig gseh.

Nached Glücksstich mär glaubs fascht nöd han doch Ich Nase vorne gah. Ja dänn han ich mir halt dä Pokal sälber übergäh. Nachhär hämmer noch echli isarge gmacht. Schad das so wenig cho sind es isch nämlich ähn luschtig schöne Anlass.

Am 3. Dezember simmer uf Bärn an Matsch. Dä Alass händ Supporter organisiert.

Mir händ Stade de Suisse dörfe go aluege. Es isch no interessant gseh wie es im Hintergrund usgseht i däm Stadion.

Mir händ dänn au grad det euses Nachtässä igno.

Nachhär simmer an Matsch mitänand. Dur dä Peter Lüthi hämmer unnummerirti Sitzplätz übercho. Leider hämmer darum nöd alli chönne binenand sitze. Die meischte hämmer erscht wieder im Car troffe nach däm na ja Matsch. Ihr wüset ja sicher alli no wie eusi Mannschaft die ganzi Saison gspielt händ.

Am 9. Januar sind Andrea und dä Toni zum 2 mal Eltere worde. Dä Marco isch uf Wält cho.

Ich gratulieret dä Familie Mastrodomenco namal rächt härzlich.

Ja und dänn dä 22. Januar. Mir sind uf Gänf.

Am 10 am morge händ sich 17 Mitglieder ufem Packplatz Kino Claudia igfunde für die Fahrt.

Für mich dä erschti Schock kei Kaffimaschine im Car nei das dörf doch nöd wahr sie. Das fängt ja mal guet ah.

Mir händ dänn im Grauholz en kurze Kaffihalt gmacht und sind nachhär witer uf Murte go Fondue ässä.

Nached guete Fondue isches dänn witter gange.

Mir sind dänn ächli über Landstrasse richtig Gänf unterwägs gseh mir händ ja gnuet Zit hätt dä Chauffeur gemeint.

Ja äh Gänfer Stadtrundfahrt hämmer au no gmacht bis mir gmärkt händ das dä Chauffeur gar nöd weis wo das Stadion isch. Dä Matsch isch scho 6 minute gloffe wo mir is Staion cho sind. Nei grad erschte Goal. Und dänn no Tussig Teedybare ufem Iss. Was söll den das. Super passt alles. Ja das isch en Sunntigmatsch gseh zum vergässä.

Am 5. Februar isch Spagettiplausch agseit gsih. 30 Persone sind da däbi gsih. Dä Werni und dä Ueli händ wieder die feine Saucen gmacht zu dä Spagetthi. Und zum Dessert händs äh Cremschnitte gäh am Meter. Es isch eifach mega fein gsih wie immer Danke ah die beide.

Am 7. April isch dä Raclettplausch gsih. 35. Persone sind ich TV Hütte Spitz cho go Raclett ässe. Es isch wie immer sehr fein gsih. Es isch en gmütlich schöne Abig gsih wo alli gnosse händ. Danke ah euisi 2 Köch. Au dä Margrith wett ich hätzlich danke sägä für organisiere.

Am 26. April hämmer no euises Vorstandsässä gnosse im Goldige Chessel.

Am 5. Mai sind Monica und dä Rolf Eltere worde vom Florian. Ich gratulieret dä Familie Ebner namal rächt hätzlich.

Ich möchte mich bi mine 2 Vorstanskollege ganz hätzlich für die tolli Zämä arbet danke. So das wär min Jahresbricht vom vergangene Jahr.

Ich freu mich scho uf dä nächste Aläss mit eui allne.

Eui Präsidentin Barbara